

AKHBAR : BERITA HARIAN
MUKA SURAT : 8
RUANGAN : NASIONAL

Pencemaran udara di Pasir Gudang

Siasat punca murid kena Myokymia



Norlela membantu Irfan Wafi menaiki kerusi roda yang disahkan menghidap Myokymia.

[Foto Izlaily Nurul Ain Hussein /BH]

Kementerian Kesihatan mahu periksa dahulu sebelum buat rumusan

Oleh Irwan Shafrizan Ismail
irwansha@NSTP.com.my

Cyberjaya: Kementerian Kesihatan akan membuat pemeriksaan lanjut terhadap Irfan Wafiy Idham Wazir, 12, yang menghidap Myokymia dipercayai selepas terdedah kepada pencemaran toksik Sungai Kim Kim, Pasir Gudang, Mac lalu.

Timbalan Menteri Kesihatan, Dr Lee Boon Chye, berkata pihaknya perlu mendapatkan kepastian sama ada penyakit itu yang menyebabkan beberapa anggota badan menggelembung mempunyai kaitan dengan pencemaran toksik berkenaan.

"Banyak kemungkinan punca

penyakit Myokymia, kadangkala kerana tumor otak atau penyakit lain."

"Justeru, kita perlu mengenal pasti punca penyakit berkenaan sebelum boleh membuat rumusan. Kita akan membuat siasatan dan pemeriksaan lanjut sama ada ia berkaitan (kesan pencemaran) atau tidak," katanya selepas menyampaikan ucaptama pada Persidangan Matlamat Pembangunan Mapan (SDG) 2019, di sini, semalam.

Irfan Wafiy yang juga anak keempat daripada lima beradik, disahkan menghidap Myokymia, iaitu penyakit seakan-akan Parkinson, dipercayai selepas terdedah pencemaran toksik dari Sungai Kim-Kim, Pasir Gudang, Mac lalu.

Ibuanya, Noriela Abu Hashim, 45, dilaporkan sebagai berkata Irfan Wafiy dimasukkan ke Hospital Sultan Ismail (HSI), Johor Bahru, selepas sukar bernafas dipercayai akibat terhadu gas beracun ketika sesi persekolahan.

Berbanding rakan lain, murid Sekolah Kebangsaan (SK) Taman Bukit Dahlia, Pasir Gudang itu dirawat lebih lama di hospital, iaitu

10 hari berikutkan keadaan kesihatan yang merosot setiap hari.

Dalam pada itu, Dr Boon Chye berkata, jawatankuasa khas untuk merumus kaedah kawalan penggunaan rokok elektronik (e-cigarette) atau vape, akan memulakan mesyuarat pertama dalam tempoh dua atau tiga minggu lagi.

Beliau yang mengetuai jawatankuasa itu berkata, pihaknya akan melihat pembentangan rang undang-undang baharu yang spesifik berkaitan rokok elektronik.

Mengenai persidangan itu, Dr Boon Chye berkata, pihaknya menyasarkan tempoh empat tahun pengumpulan data rekod perubahan elektronik bagi mempertingkat infrastruktur sistem penyampaian kesihatan di negara ini.

"Perkembangan teknologi yang pesat seperti kecerdasan buatan, robotik, Internet of things (IoT - internet semua benda) dan cabaran Revolusi Perindustrian 4.0 menuntut kementerian merangka rang undang-undang atau peraturan bagi mengawal selia penggunaan teknologi baharu dalam perubatan," katanya.

AKHBAR : SINAR HARIAN

MUKA SURAT : 2

RUANGAN : PENCEMARAN UDARA DI PASIR GUDANG

Kementerian Kesihatan siasat punca myokimia

CYBERJAYA - Kementerian Kesihatan akan melakukan pemeriksaan lanjut bagi mengenal pasti punca sebenar penyakit myokimia yang dihidapi seorang pelajar setelah dipercayai terdedah kepada pencemaran toksik Sungai Kim-Kim, Pasir Gudang pada Mac lepas.

Timbalan Menteri Kesihatan, Dr Lee Boon Chye berkata, pihaknya perlu mendapatkan kepastian sama ada penyakit berkenaan yang menyebabkan beberapa anggota badan menggeletar ada kaitan dengan pencemaran toksik berkenaan.

"Banyak kemungkinan punca kepada penyakit myokimia ini. Kadangkala kerana tumor otak atau penyakit lain. Jadi kita

kena kenal pasti punca penyakit berkenaan sebelum boleh buat sebarang rumusan.

"Kita akan buat siasatan dan pemeriksaan lanjut sama ada ia berkaitan (kesan pencemaran) atau tidak," katanya selepas menyampaikan ucaptama pada Persidangan Matlamat Pembangunan Lestari (SDG) 2019 di sini semalam.

Seorang pelajar, Irfan Wafiy Idham Wazir, 12, dimasukkan ke Hospital Sultan Ismail Johor Bahru setelah sukar untuk bernafas dipercayai akibat terhadu gas beracun semasa sesi persekolahan.

Irfan Wafiy disahkan positif myokimia setelah kesnya dirujuk ke Hospital Kuala Lumpur. - Bernama

AKHBAR : SIHAR HARIAN
 MUKA SURAT : 33
 RUANGAN : TENGAH

Hanya lapan pelajar positif Influenza B

KUALA KUBU BHARU

- Hanya 8 pelajar Maktab Rendah Sains Mara (MRSM) Kuala Kubu Bharu disahkan positif Influenza B.

Yang Dipertua Jawatankuasa MRSM tersebut, Datuk Mat Nadzari Dahan berkata, daripada jumlah itu hanya 5 pelajar yang menghantar laporan ujian jangkitan dan mengesahkan guru bebas daripada jangkitan itu.

Menurutnya, jumlah 33 pelajar seperti dilaporkan akhbar semalam adalah pelajar yang disyaki kerana mengalami simptom demam, batuk, selsema, muntah, cirit-birit dan pening.

"Pihak kami telah merujuk kepada pihak pengurusan dan pentadbiran MRSM tersebut, Pengarah



Tiada guru dijangkiti dan hanya lapan pelajar disah positif dengan sesi pembelajaran berjalan seperti biasa.

Kesihatan Negeri Selangor, Datuk Dr Khalid Ibrahim dan juga Dr Nurul yang mengetuai pasukan proses saringan taklimat PKD/KKM (Pejabat Kesihatan Daerah/Kementerian Kesihatan Malaysia).

"Kami sedar bahawa keadaan ini sedang dan berterusan diambil perha-

tian serius dari perspektif kawalan, pemantauan dan juga langkah pencegahan daripada terus merebak.

"Insiden ini adalah hampir sama seperti dialami Sekolah Kebangsaan (SK) Tamil Kuala Kubu Bharu beberapa bulan lalu, di mana semua tindakan dan langkah diambil meng-

hasilkan keputusan yang baik," katanya dalam satu kenyataan semalam.

Mat Nadzari berkata, pelajar, kakitangan sekolah dan ibu bapa diharap berternang dengan memberi kerjasama bagi membantu pihak berkaitan mengawal situasi.

Menurutnya, Jawatankuasa Badan Permuafakatan Pendidikan Mara Malaysia (Muafakat) bersetuju dengan pengurusan MRSM bagi meneruskan sesi persekolahan seperti biasa dan tiada keperluan menutup sekolah buat sementara waktu.

"Ibu-bapa boleh memantau perkembangan anak-anak melalui *homeroom* atau warden dan membuat solat hajat sebagai usaha tambahan," katanya.

AKHBAR : UTUSAN MALAYSIA

MUKA SURAT : 6

RUANGAN : DALAM NEGERI

Konsep perubatan bakal terap 'budaya insta'



KUALA LUMPUR 4 Julai - Konsep perkhidmatan perubatan dan kesihatan dijangka mengalami perubahan semasa dengan menuju ke arah 'budaya insta'

Ketua Pengarah Kesihatan, Datuk Dr. Noor Hisham Abdullah (**gambar**) berkata, perubahan tersebut bakal menyaksikan model perkhidmatan perubatan akan beralih daripada penjagaan pesakit di hospital, klinik dan makmal kepada komuniti serta

rumah.

Katanya, peningkatan kos, peningkatan teknologi dan permintaan untuk mendapatkan keselesaan dalam perubatan menjadi faktor kepada konsep yang lebih dikenali sebagai 'uberisasi'.

"Dengan pembiayaan yang semakin tinggi untuk sistem penjagaan kesihatan, sudah tiba masanya kita memikirkan idea serta inovasi kreatif untuk

menjadikan masyarakat serta individu lebih peka kepada akses kesihatan sendiri.

"Kita perlu menerima dan menyesuaikan diri dengan perubahan baharu di sekeliling kita untuk berkhidmat kepada rakyat atau hanya menjadi tanpa memberi apa sumbangan pada masa datang," katanya menerusi status yang dimuatnaik di Facebook miliknya hari ini.